

- 110 Sed sibimet servit, gladium persaepeque portat,
Ut nullus noceat, quem rex sic glorificabat.
Nolle recordari te, sed postquam sibi dixi,
Dedecus immensum vel inedibile damnum,
Quod tibi fecerunt, sub jure tuo modo qui sunt,
- 115 Quos inpunitos, quamvis meritos, inimicos
Reddere laudares in nulla re nichilatos,
Si velit in plebe pax ut reparetur utrinque. —
Sic dicens silui, vel rege jubente resedi.
In cras induciat, his ut responsa rependat.
- 120 In summo mane curtem cuncti petiere,
Plures rumoris cupidi, quam regis honoris.
Intromittuntur qui quid prodesse videntur
Regi consilium pro tali re tribuendum.
Valvae clauduntur, nescitur quid loquerentur. fol. 7^a.
- 125 Est breve colloquium pro consensu sapientum.
Nobis interea data prandia sunt sat opima.
Dum pranderemus et adhuc vinum biberemus,
Mittitur et post nos tres, omnes ut veniamus.
Fecimus ut jussit, cum prae se venimus, inquit:
- 130 "O nostri domini missi summique patroni,
Si respondere bene sciremus vel honeste
Demandaminibus clementibus atque paternis,
Est ut promeritus nimium, prompte faceremus.
Dicite nunc illi de me, de plebe vel omni,
- 135 De summis, mediis, imis mihi jure subactis,
Fidum vel promptum subjectorum famulamen.
Virtus mira tua, pietas, tua magna sophia
Intus ut adimplent te, sic foris undique comunt.
Scimus inaequales re militibusque tibi nos,
- 140 Si velles, posse nos pro meritis nichilasse.
Reddere pro pravis bona stat satis ultio grandis;
Nam quo rescitur faciens plus inde timetur.

142 bei *timetur* am rand von gleicher hand *veretur*.